

Don José Villán Fuertes, Secretario do Concello de Carballo – A Coruña

### **CERTIFICO:**

Que a Xunta de Goberno Local, en sesión Ordinaria celebrada en data luns 29 de marzo de 2021 adoptou, entre outros, o seguinte acordo:

### **“5.- Convenios**

#### **5.2.- Convenio de Colaboración co CIFP Anxel Casal Monte Alto para as prácticas do ciclo formativo de FP de animación sociocultural e turística dunha alumna. Expte. 2021/A006/000006.**

O centro CIFP Anxel Casal Monte Alto de A Coruña mediante solicitude presentada por Rexistro o 17/03/2021 (nº 202180000001966), solicitou a formalización dun convenio de colaboración para que a alumna Yanina Natalia López Galeano, con DNI 51295729 W, poida realizar as 384 horas de prácticas do Ciclo Formativo de Formación Profesional de Animación Sociocultural e Turística nos servizos de Cultura do Concello de Carballo.

Vista a solicitude presentada polo centro de ensino e coa intención de colaborar na formación do alumnado do Ciclo Formativo de Animación Sociocultural, e vista a proposta do Concelleiro delegado de Deporte e Cultura, de 23/03/2021, no expte. 2021/A006/000006, en uso das competencias delegadas polo Sr. Alcalde segundo o Decreto 1661/2019 de 17/06/19 (BOP nº 117 de 21/06/2019, nº anuncio 2019/4892), en cumprimento das competencias que o Concello de Carballo ten na promoción da cultura e da ocupación do tempo libre, conforme se estipula no artigo 25.2 da Lei 7/1985, do 2 de abril, a Xunta de Goberno Local, por unanimidade dos membros presentes (6), acorda:

**Primeiro.-** Aprobar o texto do Convenio de Colaboración entre CIFP Anxel Casal Monte Alto e o Concello de Carballo para a realización das prácticas do Ciclo Formativo de Formación Profesional de Animación Sociocultural e Turística da alumna Yanina Natalia López Galeano

### **CONVENIO ESPECÍFICO PARA O DESENVOLVEMENTO DA FORMACIÓN EN CENTROS DE TRABALLO**

#### **CONVENIO**

Nº Dunha parte: Dª Rosario Susana Agra Rama con DNI 32621972z como director/a do centro educativo Ánxel Casal Monte Alto, código de centro 15022607, localizado en A Coruña, provincia de A Coruña, Paseo Marítimo 47, código postal 15002, código de identificación fiscal Q6550028B, teléfono 881960122, correo [cifp.anel.cadal@edu.xunta.gal](mailto:cifp.anel.cadal@edu.xunta.gal) e da outra:

D. Evencio Ferrero Rodríguez, con DNI 76321421S, como representante legal do centro de traballo, Concello de Carballo, localizado en Carballo, provincia de A Coruña, Praza do Concello s/n, código postal 15100, código de identificación fiscal P1501900C, teléfono 981704300 e correo [carmen@carballo.gal](mailto:carmen@carballo.gal)

**EXPOÑEN** Que ambas as partes se recoñecen reciprocamente capacidade e lexitimidade para acordar. Que o obxectivo do presente convenio é a colaboración entre as entidades ás que representan para o desenvolvemento dun programa formativo de formación en centros de traballo, dirixido ao alumnado de formación profesional específica. Que a devandita colaboración se fundamenta xuridicamente no artigo 42, número 2, da Lei orgánica 2/2006, do 3 de maio, de ordenación xeral do sistema educativo (LOE).

**ACORDAN** Subscribir o presente convenio de colaboración para o desenvolvemento da formación en centros de traballo, de acordo coa normativa vixente emitida pola Dirección Xeral de Formación Profesional e Ensinanzas Especiais para o curso escolar, por parte do alumnado e correspondente ás ensinanzas que se recollen deseguido, que ambas as partes coñecen e acatan, e de conformidade coas cláusulas que figuran no reverso deste documento.

**DENOMINACIÓN DA ENSINANZA** Animación sociocultural e turística

**CÓDIGOCSSSC03**

**TITOR DO CENTRO EDUCATIVO** Rufino David Luaces Gudín

**D/Dª APELIDOS E NOME** López Galeano Yanina Natalia

**DNI** 51295729W

**NÚMERO HORAS** 384

**HORARIO ESPECIAL** \*

**CONCELLO DE CARBALLO**

C.I.F.: P1501900C  
Praza do Concello S/N  
Teléfono 981 70 41 00  
www.carballo.gal  
infocarballo@carballo.gal  
15100 CARBALLO- A Coruña



Exp. 2021/G007/000007

**PERÍODO DE REALIZACIÓN DAS PRÁCTICAS**

**DATA DE INICIO 06/04/2021 DATA FINALIZACIÓN 25/06/2021**

**\*F: Fin de Semana/Festivo; N:Nocturno**

*Ao presente convenio incorporárase a programación de actividades formativas (anexo II) para desenvolver polo alumnado nos centros de traballo e os documentos que faciliten o seu seguimento e a súa avaliación.*

En A Coruña , 22 de marzo de 2021

O/A DIRECTOR/A DO CENTRO EDUCATIVO O/A REPRESENTANTE DO CENTRO DE TRABALLO

Asdo:.....Asdo:.....

*Primeira.- O alumnado que figura no presente convenio desenvolverá as actividades formativas programadas (anexo II) nos locais do centro de traballo ou, de ser o caso, naqueles lugares nos que a empresa titular do centro de traballo desenvolve a súa actividade productiva, sen que isto implique relación laboral ningunha coa empresa.*

*Segunda.- A empresa comprométese ao cumprimento da programación de actividades formativas que previamente fosen acordadas co centro educativo, a realizar o seu seguimento e a valoración do progreso do alumnado, e, xunto co titor do centro educativo, á revisión da programación se for necesario, unha vez iniciado o período de prácticas e á vista dos resultados.*

*Terceira.- Cada alumno disporá dun documento de seguimento e avaliación das actividades realizadas, que será supervisado pola persoa responsable da empresa en colaboración co titor do centro educativo. No devandito documento figurarán as actividades formativas máis significativas realizadas na empresa, con rexistro de data e dos resultados semanais. Estes resultados semanais reflectiranse nunha ficha de seguimento e avaliación, que cubrirá a persoa responsable na empresa.*

*Cuarta.- A empresa nomeará unha persoa para a coordinación das actividades formativas que se realizarán no centro de traballo, que garantirá a orientación e consulta do alumnado, facilitará as relacións co profesor-titor do centro educativo e achegará os informes valorativos que contribúan á avaliación. Para tal fin, facilitaralle ao profesor-titor do centro educativo o acceso á empresa e as actuacións de valoración e supervisión do proceso.*

*Sexta.- A empresa ou entidade colaboradora non poderá cubrir, nin sequera con carácter interino, ningún posto de traballo do cadro de persoal co alumnado que realice actividades formativas na empresa, salvo que se estableza para o efecto unha relación laboral de contraprestación económica por servizos contratados. Neste caso, considerase que o alumno abandona o programa formativo no centro de traballo, feito este que a empresa ou institución colaboradora lle deberá comunicar á dirección do centro escolar, quen pola súa vez llo comunicará á delegación provincial da Consellería de Educación e Ordenación Universitaria.*

*Sétima.- O alumnado non percibirá do centro de traballo ningunha cantidade pola realización das actividades formativas.*

*Oitava.- O presente convenio poderase extinguir por finalización do tempo convido e poderase rescindir por calquera das partes, mediante denuncia dalgunha delas, que se lle deberá comunicar á outra cunha antelación mínima de cinco días, baseada nalgunha das seguintes causas: a) Cesamento de actividades do centro docente, da empresa ou da institución colaboradora. b) Forza maior que imposibilite o desenvolvemento das actividades programadas. c) Incumplimento das cláusulas establecidas no convenio específico de colaboración, inadecuación pedagóxica das prácticas formativas, ou vulneración das normas que estean en cada caso vixentes en relación coa realización das actividades programadas. d) Mutuo acordo entre o centro docente, adoptado pola súa dirección, e a empresa ou institución colaboradora. Igualmente, poderase rescindir para un alumno, ou grupo deles, por calquera das partes asinantes, e ser excluído da súa participación no convenio por decisión unilateral do centro, da empresa ou institución colaboradora, ou conxunta de ambos os dous, nos seguintes casos: e) Faltas repetidas de asistencia e/ou puntualidade non xustificadas. f) Actitude incorrecta ou falta de aproveitamento, tras unha audiencia á persoa interesada. En calquera caso, o centro docente deberá informar a delegación provincial da Consellería de Educación e Ordenación Universitaria da extinción ou rescisión dos convenios específicos de colaboración en calquera dos casos, e esta, pola súa vez, o comunicarllo á Inspección Provincial de Traballo. Así mesmo, os representantes dos traballadores dos centros de traballo serán informados do contido deste convenio de colaboración.*

*Novena.- Calquera eventualidade de accidente que se puidese producir será recollida pola normativa vixente en materia de seguro escolar e polos estatutos da mutualidade de tal seguro; todo iso sen prexuízo da póliza que a Consellería de Educación e Ordenación Universitaria poida subscribir como seguro adicional para mellorar indemnizacións, cubrir danos a terceiros ou responsabilidade civil.*

**CONCELLO DE CARBALLO**

C.I.F.: P1501900C  
Praza do Concello S/N  
Teléfono 981 70 41 00  
www.carballo.gal  
infocarballo@carballo.gal  
15100 CARBALLO- A Coruña



Exp. 2021/G007/000007

*Décima.- En todo momento, o alumnado irá provisto do DNI.*

*Undécima.- As delegacións provinciais da Consellería de Educación e Ordenación Universitaria remitirán á Inspección de Traballo unha copia do presente convenio.*

*Duodécima.- A duración deste convenio é a prevista no período de realización das prácticas, e considérase improrrogable.*

**Segundo.-** *A acollida da alumna Yanina Natalia López Galeano, con DNI 51295729 W, para a realización das prácticas do Ciclo Formativo de Formación Profesional de Animación Sociocultural e Turística cunha duración de 384 horas. As prácticas serán tutorizadas pola Xefa do Servizo de Cultura, M<sup>a</sup> del Carmen Castro Pombo e terán lugar entre o 06/04/2021 e o 25/06/2021.*

*A sinatura deste convenio non supón ningún tipo de relación laboral nin determinará a existencia de responsabilidade ningunha coa entidade colaboradora, posto que a alumna esta cuberta polo seguro escolar concertado pola Consellería de Educación, Formación Profesional e Innovación Educativa."*

E para que conste, para os efectos oportunos expido o presente certificado coa reserva establecida no art. 206 do R.O.F., de orde e co visto e prace do Sr. Alcalde, en Carballo, asinado dixitalmente na data que figura ao marxe.

V. e Pr.  
O alcalde